

Projek Arkib TSS

Janji Antara Generasi Kedua Mangsa Bom Atom dari Malaysia dan Seorang Hibakusha

– Membina Muzium Keamanan di Tanah Air –

(Versi Bahasa Inggeris)



Mengenai Projek Arkib TSS

“Hiroshima Peace Program – Projek Arkib TSS” ialah satu inisiatif promosi keamanan oleh TSS-TV Co., Ltd. (TSS, Japan), sebuah stesen televisyen swasta di Hiroshima, bandar pertama dalam sejarah manusia yang mengalami pengeboman atom. Melalui projek ini, TSS menambah sari kata bahasa Inggeris pada dokumentari khas, laporan berita berkaitan keamanan, serta testimoni para hibakusha (mangsa bom atom), dan menyiarkannya kepada masyarakat dunia.

Dengan membolehkan masyarakat di seluruh dunia menonton program-program ini melalui internet, projek ini bertujuan untuk meningkatkan kesedaran tentang kedahsyatan senjata nuklear serta menyeru kepada pembinaan sebuah dunia yang aman, bebas daripada peperangan dan pertikaian.

Pada masa yang sama, projek ini membawa harapan dan doa kepada mereka yang sedang hidup di kawasan konflik—mereka yang menyaksikan bandar mereka musnah dan kehilangan insan tersayang akibat peperangan. Melalui kisah Hiroshima, sebuah bandar yang pernah hancur tetapi bangkit semula menjadi kota yang hijau dan damai, diharapkan mereka dapat menemukan kekuatan, harapan dan sinar untuk membina masa depan yang lebih baik.

Kelak, di suatu sudut dunia, seseorang akan menonton program Projek Arkib ini. Kisah-kisah yang dipertontonkan bukan sekadar rakaman sejarah, tetapi benih harapan yang menyentuh hati. Daripada satu hati yang tersentuh, akan lahir tekad untuk menolak peperangan, menghargai kehidupan, dan memilih jalan perdamaian. Mungkin dari detik itulah bermulanya sebuah perubahan yang mampu membentuk dunia yang lebih aman.

Apabila seseorang berdepan dengan pilihan sama ada untuk membalas permusuhan atau memilih jalan perdamaian, mungkin mereka akan teringat akan kisah yang disampaikan melalui Projek Arkib ini, lalu memilih untuk berdamai.

Seorang anak muda yang menonton program ini hari ini mungkin suatu hari nanti akan memikul amanah sebagai pemimpin yang menentukan hala tuju negaranya. Ketika saat itu tiba, semoga ingatan terhadap Hiroshima membimbingnya untuk memilih jalan keamanan.

Walaupun kesannya tidak dapat dilihat serta-merta, setiap kisah yang dikongsikan hari ini ialah benih-benih keamanan yang disemai untuk masa hadapan.

Demi generasi akan datang, TSS akan terus merakam, memelihara dan menyampaikan kisah serta suara Hiroshima kepada dunia—agar tragedi seperti ini tidak akan berulang lagi.

Sekretariat Projek Arkib TSS.



Laman Web Rasmi Projek Arkib TSS
(Versi Bahasa Melayu)



Laman Web Rasmi Projek Arkib TSS
(Bahasa Inggeris)